

Herr Helder.

Un si Tochter... weisst Se nit iwer si Tochter z'sage, Fraü Simon?...

Fraü Simon.

D'Jumpfer Elise... wo allewil am Fenster steht un do iwere lüegt?... Die isch ganz anderscht, 's isch wo hr ... Se geht un kunnt, läuft in d'Halle, macht d'Kuche, flickt in ihrem Vater sine Kleider, wo-n-er scho trät siter anno Düwack... er brücht o keine neüe, fir sich z'verstecke!... Wie-n-er hört geh im Hof, so läuft er ine wie nitt g'scheidt... we me lütet an dr Thüre, so zittert er an alle Glieder un losst eim e Stund warte, bis er ufmacht... ich will Se jetz emol g'froggt ha, eb sich e-n-ehrliger Christemensch eso uffiehr?...

Herr Helder.

Sie sieht iwerall nur 's Böse, Fraü Simon; si Tochter isch desto ordlicher...

Fraü Simon.

D'Jumpfere isch e g'schickte Person, das müess me g'steh... flink un g'mutzt un fröhlig wie ne Vögele, wo singt vo Morge bis Nacht... Un mit allem dem verdient se noch ihre zwei Franke 's Tags mit Blüememache, den ihr Vater hat nur 600 Franke Pension, er isch Employé gsi un hat jetz si Retraite... ohne si Tochter wisst i nitt, wie-n-ers mache thät... drum kan-ich awer o nitt begriffe...

Herr Helder.

Ass ich ihre derf dr Hof mache... nitt wo hr, Fraü Simon?... isch sie's ebbe nitt werth?

Fraü Simon.

Oh doch!... se isch brav, rechtschaffe un hat nitt dr g'ringste Fehler... Wenn se uf dr Gasse isch, nitt wo hr, so kânt se schlirge, ummesteh un sich lo agaffe...

doch nei, wie ihre Provisione g'macht sin oder ihre Arwet furt trät isch, so läuft se im Galopp wieder heim un süecht uf alle-n-Arte ihre alte Sünder vo Vater z'amüsiere, wo nur derno als glücklich isch... awer denn glücklich!... wie wenn er nitt wisst, wie viel Verbreche-n-er uf em Mage hat liege... gän Sie nur Acht, Herr Helder, dà Mann g'fällt mr nur halwer!...

Herr Helder.

's isch wo hr, 's isch e possiger Held... awer wege dem...

Fraü Simon.

Ne Bàr isch's, wenn ich Ihne sag!... e fremd Gsicht git em Nervenattacke... 's isch kei Exempel do, ass er emol mit eme andere Mensch g'redt hat, ass mi siner Tochter un mit mir... un fir ne üs siner Höhle üse z'bringe, miesst me ne glaüb eher in hundert Sticker schnide.

Herr Helder.

's schint doch nitt, Fraü Simon, wil er selbst diemol do iwere ku isch züe mr, fir mi iz'lade. Ieh bi awer o nitt iwer verwundert gsi!... Herr Helder, hat er g'sàit, ich heiss Fix und wohn dert àne, un kumm als Nochber Ihne ku ne kleine Visite mache... awer alles das hat er g'sàit, wie we me-n-ihm e jeder Wort hätt miesse üse ziege mit eme Büchonzieger.

Fraü Simon.

's isch d'Angst!... er hat ebbes ag'stellt, dà Mann.

Herr Helder.

Ich ha gar nitt g'funde, ass er im e-n-alte Missethäter z'glich sieht... 's isch e schicher, stiller Mann, wo awer allewil wie uf Dörn' isch... d'ganze Zit isch er unrühig un lost, ich ha alle Augesblick g'meint, er will dervo läufe... 's isch eher gsi as thät er in ere unsichtbare Macht folge as in sim eigene Wille, fir si Visite z'mache.